

欽定戶部漕運全書

隨漕席片。

一山東河南二省正改二兌漕糧每米二石派  
徵斜席一領長六尺四寸闊三尺六寸每領徵  
銀一分

議單  
舊本

一山東河南江南浙江江西湖廣各省應徵折  
色席片銀兩俱照糧徵解

議單  
舊本

一江南浙江江西湖廣四省正改二兌漕糧每  
正米二石派徵方席一領長四尺八寸闊四尺  
八寸其改折省分每領徵銀一分或一分零

議單

舊本

一各省應徵隨漕席片舊例俱係三分本色七分折色康熙二十五年題准將三分本色內改折五釐雍正十二年題定於改折五釐之外復改折八釐計徵一分七釐本色八分三釐折色一各省應解本色席片山東河南二省及江南省之江安寧池太席廬鳳淮揚徐六安泗潁毫海通各府州屬照徵本色席片給了解交蘇松常鎮太倉四府一州並浙江江西湖廣各府州

屬俱徵銀給丁辦買本色席片赴倉交納又蘇

松常鎮太五府州應解二分五釐

後改一分七釐

本色

蘆席向例徵銀給丁自辦者均徵銀解道給發

雍正二年

一奉天採買米石准照漕糧折徵席片之例於

通濟庫內動用輕齎銀兩辦買鋪墊仍將用過

銀兩造入奏銷冊內具題查覈

雍正二年

一江蘇昭文縣之薛家灣改歸通州管轄其應

徵漕米題准於昭文南米內改抵至隨漕應給

旗丁帶解蘆席一十八領零折價銀二錢二分  
零乾隆四年咨准在於裁存經費款內動支

一江南江安各屬隨酒席片例係州縣備辦本  
色交丁因各州縣從前私自折交以致旗丁藉  
端勒措乾隆五年奏准辦交本色毋許折銀運  
丁毋得勒索倘有前弊嚴行叅究

一江西湖南截卸淮揚等處各幫應交席片彙  
同毛竹松板一併緩俟下年搭運

嘉慶十三年

一江浙各幫搭解緩交餘米項下毋庸交納席

片有旗丁自行辦交者准於各該幫下年額漕

項下應交席片內照數劃抵

嘉慶十四年

一截撥蘄州兩年兵米因本年支放之外尚須

囤貯一年所有運丁應交席片隨糧兌交該處

備用

嘉慶十四年

一湖南省搭運米石准照湖北搭運之例一體

免交席片以照畫一

嘉慶二十三年

一道光三年五月倉場奏准糧船到壩該旗丁

應交方席嗣後責成坐糧廳每米一萬石交席

八百五十領如係茶席卽應加倍逐一驗明令  
差丁交與經辦等代爲運車運至大運橋廠內  
堆貯責令該橋監督點驗清楚出給該經紀印  
票實收再令大通橋車戶就其運米車內每米  
千石分帶席片八十五領同漕米一併運倉交  
該倉監督點明收受一體出給該車戶印票實  
收所有兩處印票實收每日彙繳坐糧廳按十  
日一次由廳彙送倉場衙門查驗如到橋席片  
短少卽責令旗丁與經紀賠補如到倉短少卽

責令車戶賠補儻該倉官役有折收情弊查出嚴叅究辦其運米車戶搭運席片應量加體卹每方席一領酌給腳費銀一釐卽於坐糧廳庫存各役運腳項下作正支銷

一道光六年七月倉場咨任城徐河前後等幫截撥大通橋黑豆應交斜席每領折銀一分交納通庫經部飭令如數辦交斜席以符定例將折價銀兩如數給還查各幫弁丁交糧完竣均已南下無從著追應飭令於辦理新漕時將上

年各該幫未交斜席按數購買齊全搭解來通  
交納至已交折席銀兩應俟交席完竣再行給  
發領回咨部轉飭遵行

一河南山東等省道光四五六等年截撥大通  
橋薊州遵化州等處米豆隨糧解交席片俱折  
銀交納經部查席片爲京通各倉鋪墊苫蓋之  
用例應隨糧交納木色移咨倉場總漕嗣後飭  
令辦交本色席片不得仍以折色交納以符定

例

道光六  
年七年

一山東濟寧前等幫裁撥劉州等處米石應交  
席片向山州縣隨漕派徵折銀交幫搭解道光  
七年經部題令嗣後辦交本色以符定例等因  
旋據咨覆道光五六兩年席片業經隨糧折銀  
交納所有本色席片委係趕辦不及應俟下運  
遵照部定章程預備本色席片照數解交經部

覈覆准行

道光  
七年

隨漕竹木

一江南浙江江西湖廣四省正兌米俱有楞木  
松板改兌米並無楞木松板山東河南二省江  
北廬鳳淮揚徐各府六安泗潁亳海通各州屬  
正改兌米俱例不派徵楞木松板

識單  
舊本

一各省隨漕板木每正米二千石派徵楞木一  
根松板九片楞木每根長一丈四尺九寸圍二  
尺五分松板每片長六尺五寸闊一尺三寸五  
分厚五寸五分其改徵折色省分每楞木一根

徵銀五錢或五錢五分不等每松板一片徵銀

四錢或四錢五分不等

議單  
舊本

一大通橋收貯楞木松板倘存剩過多恐致朽

壞或將舊存者照時變價或將新運板木照江

南省折色定例改折一二年再收本色

議單  
舊本

一應徵楞木照江南折色定例每根折銀五錢

松板每片折銀四錢五分

康熙  
八年

一存剩年久松板每片變銀四錢二分楞木每

根變銀五錢三分

康熙  
九年

一天津國米將席片交地方官隨糧運通其楞

木松板仍照舊交大通橋交收

雍正元年

一舊例鋪廠每廠需松板五十塊楞木五根雍正三年改爲滿鋪應用松板一百一十塊楞木九十根將松板以一鋸四以代楞木每板一塊可抵楞木根半有餘雍正四年爲始將十分松板金徵本色十分楞木覈算價值俱徵松板

一雍正三年奏准各倉需用氣筒毛竹數目台每船帶大毛竹二根長二丈中徑五寸中毛竹

十根長一丈二尺中徑二寸除山東河南二省外其餘有漕各省隨糧運交

一各省應徵楞木松板舊例俱係三分本色七分折色江安寧池太各府州屬將應徵本色照徵給丁蘇松常鎮四府太倉一州浙江江西湖廣各府州屬將應徵本色徵銀給丁辦交雍正四年題准將松板全解本色楞木改徵松板亦全解本色六年欽奉

上諭向因鋪墊倉廩需用松板令各省糧船隨帶到通

交納續經該部定議產木之省如江西湖廣及江安  
糧道所屬地方則全徵十分本色其不產木之蘇松  
浙江等屬則解三分本色七折色此便民利用之  
意也今朕聞得該地方所交三分本色亦於抵通之  
時始行採買以致通州木商與胥役勾通包攬每板  
一片用銀至二兩餘或一兩七八錢不等較折色之  
數多至四五倍運丁不免苦累查京通各倉一年亥  
放俸米甲米空出厰座應鋪墊一百五十座其湖廣  
江西安徽三處所解松板已足備用卽有應需採辦

者諒亦無多所有不產木之浙江蘇松等屬應解三分本色松板二千五百四十片俱著改徵折色令各該糧道彙解通濟庫以備採辦之用其湖廣江西安徽等處全解十分本色者著倉場侍郎嚴行稽查不許收板官吏勒索使費俟各倉厥鋪墊完日將應徵本色若干之處具奏請旨欽此

一雍正六年部議鋪倉松板向例江安係徵本色給丁解運其蘇松浙江江西湖廣俱係按地畝徵銀折給領運官丁採辦嗣後浙江蘇松仍

照舊例俱徵折色惟江西湖廣二省及江安所屬仍全徵本色

一蘇松等屬應解三分本色松板改徵折色所有原編三分楞木改徵松板自應一律折徵量

解部覆應同輕齋銀兩一併解部

雍正八年

一雍正十二年奏准產竹省分每船例帶毛竹大者二根中者十根自乙卯年爲始量爲酌減祇交大竹二根中竹六根

一京通各倉編造氣筒毛竹向例江浙等省產

竹地方每漕船各帶八枝旗丁自行買運交倉  
不給價銀乾隆二年奏准減帶二枝每船各帶  
六枝給以價值於道庫減存銀內給發六年復  
奏再減二枝每船各帶四枝

一各省買辦毛竹價銀例係於道庫減存銀內  
動支江西省因無道庫減存銀兩乾隆三年咨  
明在於道庫裁兵米折項下動支湖北省乾隆  
六年咨明在於南糧抵兌節省水腳銀內動支  
一江西省毛竹乾隆三年咨准大竹中徑五寸

長二丈每根價銀六分中竹中徑二寸長一丈  
二尺每根價銀五分

一浙江省乾隆三年咨准大毛竹長二丈二尺  
徑四寸杭州府屬之新城縣徑係三寸五分湖  
州府屬徑係四寸七分中竹杭嘉二府屬長二  
丈二尺中徑三寸四分新城縣徑係三寸湖州  
府屬長二丈徑四寸小竹長一丈八寸徑三寸  
新城縣徑係二寸五分每枝價銀新城縣大竹  
七分中竹六分小竹五分安吉縣武康縣大竹

九分中竹七分小竹五分嘉興秀水嘉善海鹽  
平湖石門桐鄉歸安烏程長興德清等縣大竹  
九分六釐中竹七分五釐小竹五分三釐富陽  
縣大竹一錢五釐中竹七分小竹四分三釐七  
毫五絲仁和錢塘海寧昌化等縣大竹一錢三  
分中竹八分小竹五分臨安縣大竹一錢三分  
中竹九分小竹五分五釐於潛縣大竹一錢三  
分中竹一錢小竹八分餘杭縣大竹一錢三分  
五釐中竹八分九釐小竹五分六釐

一江南鎮江等屬毛竹乾隆四年題定鎮江府  
丹徒縣毛竹長二丈三四尺圍圓一尺一二寸  
每根價銀一錢安慶府懷寧桐城等縣毛竹長  
二丈圍圓一尺二三寸每根價銀三分五釐至  
五分不等寧國府屬南寧縣毛竹長一丈二尺  
至二丈圍圓一尺至一尺八寸每根價銀三分  
三釐至一錢六分不等池州府屬貴池銅陵石  
埭建德東流五縣毛竹長一丈至二丈圍圓八  
寸至一尺五寸每根價銀四分至一錢五分不

等青陽縣毛竹長一丈六尺圍圓一尺每根重  
三十三斤五兩每百斤價銀一錢六分太平府  
屬當塗蕪湖繁昌三縣毛竹長一丈三尺至一  
丈五尺圍圓一尺每根價銀六分至一錢不等  
廣德州毛竹長一丈七尺至一丈九尺圍圓七  
寸至一尺每根價銀二分至三分不等淮安府  
屬各縣毛竹長一丈六尺圍圓一尺每根價銀  
一錢五分泗州盱眙天長五河等縣毛竹長一  
丈二尺至三丈五尺圍圓四寸至一尺二寸每

根價銀八分至一錢六分不等江寧府及海州  
通州等處向無定價悉照時價造報

一湖南湖北二省毛竹乾隆四年題准湖南省  
大竹每根價銀九分中竹每根價銀六分湖北  
省大竹每根價銀一錢中竹每根價銀八分

一湖南湖北二省毛竹乾隆六年咨准大竹長  
二丈中徑五寸中竹長一丈二尺中徑二寸

一京通各倉鋪廠板片例係湖廣江西安徽等  
處全解十分本色乾隆六年因各倉廠板酌議

抽換每年需板無多奏准將湖南湖北江西三省改徵一半折色仍徵五分本色松板一千三百四十片其安徽省板片全改徵折色彙解道庫

一各倉廩座氣樓恐不足以資通洩中間鬱熱應於放米之時置造氣筒每廩五六個使濕熱之氣可以發舒除山東河南二省外其餘有漕省分按船帶運毛竹舊例每船帶運大毛竹二根長二丈中徑五寸中毛竹十根長一丈二尺

中徑二寸隨糧運交乾隆六年議減毛竹每船帶運大毛竹一根中毛竹三根

一江南蘇松常鎮太五府州屬毛竹乾隆八年咨准大竹長二丈一二尺圍圓一尺一二寸每根價銀二錢四分中竹長一丈一二尺圍圓六七寸每根價銀一錢二分

一湖廣江西二省應解一半本色松板乾隆十四年奏准暫行停徵卽令全交折色解通交納一京通各倉廠板漸次缺少除產木無多之安

徽省照舊全徵折色其湖廣江西兩省額徵松板仍俱照數全徵本色以供鋪墊

乾隆三十六年

一江西袁州等幫截畱山東漕糧各船應交毛

竹係舊冬備辦恐日久蟲生不能久貯將應交

毛竹帶回明年另辦新竹赴通交納

乾隆四十七年

一京通各倉鋪嚴松板若積存充裕卽行停徵

本色徑解折色至十餘年後抽換漸多復徵本

色松板運通例係奏明辦理自乾隆三十七年

至五十五年因存貯新板充裕奏請五十六年



松板於下運搭解以符定例

嘉慶六年

一湖南省漕糧內截撥陝西兵糧米八萬石陝省並無兌收本色蘆席飭令湖南糧道將截漕

項下蘆席搭運赴通交納

嘉慶七年

一通州左營千總馬豹押運撥船至康家溝地方水淺將附載松板拋入河內淌失無踪將該弁責革該管副將不行查出總兵失於覺察交部分別議處所失板片著落該總兵副將都司及馬豹與未經交代明晰之江西運員直隸地

方官均攤賠補仍將江西運員一併交部查議  
應賠償銀照江西採買本色例價每塊正價銀  
一兩二錢水腳銀五錢並令江西仍買本色松  
板運通交納

嘉慶十四  
十五年

一江西贛州幫丁郭同興欠交嘉慶十四年分  
大中毛竹八根因兌新漕緊急未及搭運除將  
應交毛竹飭令補交外將領運候補守備李逢  
春照造報遺漏非關錢糧罰俸三個月例於補

官日罰俸三個月

嘉慶二  
十一年

一湖南頭二三幫嘉慶二十三年運通糧米據  
總漕奏明截卸北倉應交席片松板毛竹仿照  
嘉慶十八年截卸臨清之案席片隨糧交收以  
供鋪墊之用松板毛竹恐致枯焦剝朽飭令帶  
回下年運交部覆准行

一湖廣江西等省每年隨漕辦解十分本色松  
板帶運到通派貯京通各倉以爲鋪墊廩座之  
用定爲十六年抽換一次自嘉慶六年辦解以  
來歷年遵辦嗣據倉場奏稱除各倉鋪墊外覈

計現存松板數已逾萬樽節抽換可數十年鋪  
用請將湖廣江西等省應徵本色松板於嘉慶  
二十五年爲始暫行停徵全交折色解通俟將  
來板片不敷應用再行照舊辦運

嘉慶二  
十四年

一湖南頭二三幫嘉慶二十五年辦解松板如  
數卸交臨清州收儲毛竹一項係中空質薄之  
物不免凍裂枯焦各丁情願帶回來年另換鮮  
竹帶運赴通交納其松板經地方官點驗存在  
大王廟封鎖撥役看守俟各幫重運行抵臨清

帶運赴通經部覆准遵行

一江西湖廣等省辦解十分本色松板爲鋪墊倉廩之用嘉慶二十四年經倉場查明現存松板充裕奏准暫行停徵本色俱令全交折色解通嗣因修整各倉廩座需鋪板片甚多所存之數恐不敷用復經奏准飭令江廣二省於道光三年爲始仍按年全徵本色於次年隨船交納一江廣漕船重運例准跨帶竹木不徵稅銀經戶工等部奏明例帶免稅竹木天篷上准高二

尺不計寬長以天篷爲度兩旁跨木各准寬二尺不計深長以船身爲度令各該督撫及漕運總督責成各該糧道督飭幫弁於漕船未經開行之前按照額定尺寸數目實力查驗如有違例多裝勒令起卸入官仍出具查驗無浮甘結呈報總漕如查驗不實經各關監督查出多帶除按則科算外仍揭報總漕將丁商從重治罪員弁嚴加叅處至押運員弁坐船如違例私帶

貨物應由該管督撫指名嚴叅懲辦

道光二十七年

徵解通例

一輕齋易米席木本折銀兩各州縣照額徵收  
各省糧道將完欠支解各數彙報總漕於次年

三月內彙齊奏銷

議單  
舊本

一楞木松板向係解交京糧廳收納順治十五年京糧廳議裁改歸大通橋收納

議單  
舊本

一各省隨漕帶運本色席片板木倉場查明隨

糧完欠造冊按年奏銷

順治十  
三年

一席片板木各有長短寬狹尺寸官丁隨糧解

交務照定式不許短小充數亦不得濫放折罰

致滋弊竇

順治十三年

一正兌米例進京倉應解楞木松板順治十五年題准改撥通倉卽照改通米數扣留板木以

供鋪墊或有河兌

如遇北河淺阻卽兌於沿途州縣起撥轉運到京其

板木仍於大通橋交納

一席片板木例供倉廩鋪墊順治十七年題准

如運弁掛欠不完總督倉場嚴限追補雖漕糧

全完不准議敘

一江安等府州每年起解輕齋又搭解輕齋銀  
兩應照蘇松等府州每兩支給三分水脚造入  
奏銷冊內覈銷

康熙十三年

一湖北輕齋蘆席項下原編有槓費銀兩於康  
熙二十四年爲始支給報銷

一旗丁解交隨糧板木例由大通橋收受轉運  
至京各倉該橋額設板木書辦一名板木車戶  
十三名把持包攬每板一片勒索銀七八錢一  
兩不等積弊相沿牢不可破嗣後板木到橋令

旗丁現雇車輛運送各倉所費甚少原不必用額設車戶至板木長短寬窄向有部定尺寸該監督祇須照式查驗登記收受其大通橋板木書辦車戶一併裁革毋庸復設

雍正六年

一雍正九年湖北幫船漕糧截畱東省應交席片木竹難以運通議令帶回水次俟新運搭解一雍正十年臨清德州二處建造倉廩截畱漕米二十萬石議准將隨漕席片在東交納以資鋪墊至落崖抗夫雇價等項令旗丁自備津貼

茶果等銀免其交納

一各省運丁所解席片定例將狹小茶席投交者一概駁換雍正十二年奏准以茶席二領作原派方席斜席一領查明收納不得畱難勒措一糧船隨帶席板毛竹向例於抵通交米後旗丁自行雇車運倉經由大通橋查驗因各丁屆費艱難奏准令各幫於起米之後將板片席竹在東嶽廟堆卸坐糧廳督令經紀雇車改從陸路由石道至朝陽門一手運送不由大通橋經

過令監督於朝陽門隨到隨驗進倉中途遺失  
短少責令經紀賠補仍嚴禁經紀不得藉端勒  
索其應投橋倉文冊各弁丁俟經紀知照起車  
之日前赴各處自行投遞掣獲倉收并完呈照

例投驗

乾隆三年

一湖南省起解輕齋銀兩需用盤費等項向於  
該省公捐備用銀內給發嗣因停止公捐咨准  
將起解輕齋銀兩需用盤費等項於地丁額編  
解費銀內動給

乾隆五年

一各省幫船帶交毛竹令該糧道驗明是否合式造冊咨送令坐糧廳轉飭各幫將現坐某倉船若干隻應交大小毛竹若干長徑丈尺若干先期移倉查收如有與冊開不符者卽令更換其有冊開原屬與例不符者亦准收用不必駁

回統俟糧竣彙冊咨送查覈

乾隆十一年

一豫省隨漕席片並無徵款其應解七分並續減之一分三釐折色歸於地糧項下徵收扣解至一分七釐本色席片向係由有漕州縣接糧

欽定戶部通志卷之三十一  
捐備雍正十三年議令旗丁於津貼銀米內辦  
買交倉乾隆十二年題准動支節省耗羨銀兩  
隨漕給軍自行辦交

一各省嗣後凡有報解銀兩物料文批責令該

解員赴科交投查驗

乾隆二十一年

一委員齎解漕項銀兩赴通不行投驗批迴者

照例罰俸一年

乾隆二十五年

一輕齎易米席木折色銀兩舊例各省漕道統  
行解交運濟庫收貯半糧廳將收支出數目

造報總督倉場查覈於年底奏銷如有餘剩銀

兩解部康熙四十七年題准將各省額解輕齋

銀兩山東河南湖廣江西浙江江安等處俱解

貯通濟庫應用蘇松糧道所屬額解輕齋銀兩

解交戶部倘不敷用倉場於戶部咨取六十年

題定復將蘇松糧道所屬額解部庫之輕齋銀

一十三萬兩內分撥五萬兩徑解通濟庫備用

其餘仍行解部乾隆二十六年奏准通濟庫所

收輕齋銀兩不敷支放將蘇松每年解部輕齋

銀內撥銀四萬兩以備支用仍令倉場侍郎嗣後奏銷實存銀兩務須遵照定例於每年歲底覈明實用數目報銷如有餘剩按款解部以清年款

一輕齋等銀例應先漕解通以濟運務康熙五年奏准令各省巡撫就近督催糧道依期完解如有未完遲悞聽倉場將巡撫糧道一併題參乾隆二十九年題定浙省輕齋銀兩統限歲內全完於次年解輕齋時悉行委員解送如有

未完卽行分別叅處

一席竹交倉例應載入全單坐糧廳必俟倉收到日粘籤一併呈送每致稽遲乾隆三十一年奏准嗣後席竹運交各倉後該倉定於五日內查收卽將實收移會坐糧廳以便按期送驗倘有勒索遲延等弊該倉場查明究叅

一乾隆三十一年豫省漕糧欽奉

恩旨蠲免所有額徵輕齎席折席片等項銀兩毋庸解

通造入季冊報部酌撥

一各省解交各項物料折色等銀均令一例傾  
成小錠交庫如有以元寶解部者皆不准收  
乾隆

三十  
六年

一桃源縣奏銷冊造輕齋等銀二百四十五兩  
四分七釐賦役全書開載實現徵銀一百五十  
三兩七分六釐較比計不敷銀九十一兩九錢  
七分一釐實係逾額無徵之數在於乾隆三十  
七年爲始奏銷冊內該縣應徵銀數照全書規

徵銀兩更正造報

二 薊糧裁減之後並無席折銀兩收貯卽每年  
薊糧粟米所收席折不過一兩有零其奉天黑  
豆各倉應用席片鋪墊每年所領席折銀二十  
餘兩不敷支放統歸輕齋項下開除嗣後所收  
薊糧席折亦入輕齋項下造報

乾隆四十二年

一 江北幫並臨清河南後幫乾隆五十二年船  
糧到通欠交席片私行南下徐州衛守備李從  
典臨清衛守備王德和均照督催不力例罰俸  
二年其另案斥革之臨清河南後幫千總徐世

坦照不實力奉行例降一級調用註冊

乾隆十五年

一江北幫河南後幫所欠席片補交遲延將已

革江安糧道董世明照督催不力罰俸六個月

例罰俸六個月註冊

乾隆十六年

一台州等幫嘉慶七年未驗全單因弁丁等所

交席竹板木不行掣取倉收以致全單不能呈

驗酌定各幫漕糧全單內應交席竹令坐糧廳

遵照定例於交糧後督令經紀立即轉運到倉

並令各倉監督照例於五日內務即收受明白

出具倉收徑行移會坐糧廳查覈以便移送部

科查驗毋得遲延

嘉慶九年

一湖南省應徵漕項銀兩因災緩徵應解輕齎

等銀照額動支批解

嘉慶十三年

一湖南省辦解本色蘆席松板等項向係在於

漕項銀內動支巴陵等縣應徵漕項因災緩徵

應辦本色蘆席松板等項無從扣價採辦准其

分年帶徵辦通

嘉慶十三年

一湖北省祇徵漕米緩徵隨漕各屬應買本色

蘆席松板價銀爲數無幾飭令各屬先行通融  
墊辦交給弁丁隨糧解通俟各本州縣帶徵初  
限隨漕銀兩扣還歸款

嘉慶十三年

一湖北通山當陽二縣漕糧向係徵收折色另  
派江夏等縣餘漕耗米代兌江夏等縣漕糧耗  
米隨正緩徵俟帶徵時分年代兌所有通當二  
縣隨漕錢糧內徵存應辦席板價銀亦俟代兌  
時分年辦交隨糧帶解

嘉慶十三年

一蘇松江安糧道每年解通輕齋由闡銀兩坐

糧廳兌收歷有兌虧向係造入平餘項下開銷  
嘉慶十六年部議駁飭嗣後僅有兌虧卽著該  
道等自行添補

一各省起解通餉銀兩由道遵用部頒砒碼眼  
同解員每百兩爲一封逐平兌準粘貼印花裝  
鞘卽將原砒封固粘貼印花交委員帶赴坐糧  
廳該廳卽以部頒百兩砒碼眼同解員逐封驗  
明交兌俾解收畫一不致參差

嘉慶十  
六年

一嘉慶二十一年河南委員梁衍緒解到輕齋

銀兩兌收通庫該員丁憂回豫所有批迴未據  
請領赴部科投驗嗣經部科輾轉移查將批迴  
驗明轉行河南巡撫查收飭發備案並通飭各  
解員嗣後解交部庫等項銀兩繳銀後如有事  
故卽應掣領批迴銷差毋得任意回省致繁案  
牘

欽定戶部漕運全書卷五十一目錄

京通糧儲

倉場職掌

京通各差

# 倉場職掌

一總督倉場戶部滿漢侍郎各一員

國初附部理事順治十五年崇文門外建設倉場  
衙門出巡通州駐劄公署坐落新城南門內一  
切漕倉事務專責料理其漕運總督各該督撫  
沿河文武衙門凡有關係漕運應報文冊俱照  
報部式樣分報倉場應舉劾者照例舉劾各項  
應行事宜倉場衙門徑行造冊報部查覈

議單  
舊本

一各省糧道並沿河地方文武官員凡有漕運

之責者皆屬管轄

議單  
舊本

一每年春間出巡查看五閘河道點驗石土兩壩經紀車戶撥船督令坐糧廳催置布袋以備

新糧到壩起運

議單  
舊本

一漕白糧船抵通日期及到通起過糧數磨卸  
回空船隻數目并石壩外河水勢深淺五日一  
次具摺奏

閏雍正  
三年

一重運糧船到通督令坐糧廳起卸過壩騰空

漕船頒給限單催令回空

議單  
舊本

一各倉收受完竣分晰各幫完欠數目造冊具

題送部查覈

議單  
舊本

一輕齋由閘等銀倉場督催各省糧道按年越

漕先解歲底將收放各項銀兩數目造冊具題

奏銷各省未經解完者即將該省巡撫糧道一

併題叅其未完銀兩仍催補解

議單  
舊本

一席片松板原供鋪廠打圍之用其席片例交

各倉監督按進倉米數覈收其松板例交大通

橋監督按正兌米數覈收統俟糧運告竣分晰  
完欠各數造冊具題送部查覈

議單  
舊本

一大通橋護城暨通州石土兩壩裏河各閘河  
道閘座等項凡有應修應建之處倉場咨報戶

工二部會同踏勘具題應用工料銀兩工部料

估確數移咨倉場戶部照數給發

議單  
舊本

一京通各倉大通橋石土兩壩等處如有地棍

奸蠹並包攬漕米進倉聽倉場嚴查叅辦

議單  
舊本

一漕船抵通回空與開幫過淮本同一律各省

漕船開幫過淮均係各督撫自行題報漕船抵  
通回空與上年比較遲早係倉場職掌嗣後專  
交倉場侍郎照向例按五日一次具奏毋庸由

部重複繕單仍令咨部查覈

嘉慶七年

一倉場衙門例應五口一次具奏糧船到通及  
回空日期嘉慶十二年八月二十九日報期繕  
摺交筆帖式武凌阿捧送內閣封發遲誤吏部  
議將該筆帖式罰俸三個月倉場侍郎罰俸一  
個月

一各倉監督由倉場侍郎認真考覈遇有闕茸之員隨時甄別其花戶名數按照例額招募不准空缺每遇五年報滿更替年分照監督交代之例將該花戶經手收放糧數查明具結報部一各倉收放米石日期該監督等將倉內外閒雜人等概行禁止不准進倉如有攪亂倉務及身後把持之人由該監督查拏懲辦

以上同  
治七年

京通各差

一坐糧廳駐劄衙門在於通州新城內向係戶部漢司官一員康熙二年題明添設滿司官一員二十六年題定將各部院衙門官員均行保舉差遣

一坐糧廳向係一年差滿更替康熙三十三年改三年一差三十八年照各部院司官論俸陞轉不定年限雍正元年題定二年一差永爲定

例

一坐糧廳管理北河催饋空重漕船督令經紀  
車戶轉運糧米交倉並管通濟庫一座收支輕  
齎由關等項銀兩兼抽通州稅課挑挖北河淤  
淺修築堤岸閘座

議單  
舊本

一坐糧廳差滿倉場督臣將其任內經管收放  
各項錢糧數目造冊具題送部查覈

議單  
舊本

一坐糧廳所轄石壩州判一員土壩州同一員  
通濟庫大使一員通流閘閘官一員慶豐閘閘

官一員

議單  
舊本

一坐糧廳大通橋京通各倉監督差滿俱由倉

場具題考覈回本任辦事

議單  
舊本

一石壩軍糧經紀一百名白糧經紀二十五名  
土壩車戶向係五十名於康熙二十五年裁革  
二十五名祇存二十五名雍正十二年又裁去  
五名實在著役二十名五閘軍糧水脚向係一  
百四名內石壩裏河二十六名於雍正五年裁  
革歸併軍糧經紀實在普濟閘二十六名平下  
閘二十六名平上閘一十三名慶豐閘一十三

名四閘共軍糧水脚七十八名又四閘白糧水脚每閘二名共八名石土兩壩外河向有白糧船戶共三十五名於康熙三十九年裁革歸併白糧經紀土壩車戶以上各役限十年一次更換令通州知州籤派殷實良民頂充不許旗人充當并不許父子兄弟朋友盤踞

一通惠河原設分司徵收木稅專管修理五閘并路河等處挑淺之事康熙三十九年題定歸併坐糧廳管理照潘桃口之例作爲小差

一大通橋監督衙門坐落東便門外向係漢監  
督一員康熙二年題添滿監督一員康熙四十  
一年題准將大通橋監督裁汰四十七年題准  
復設一年差滿更替

一揀派大通橋監督除外升人員仍停其升轉  
外其在京升轉人員應照滿洲出差官員例准  
其照常升轉仍令一年差滿更換乾隆元年奏  
准大通橋監督差滿由倉場衙門在於各倉現  
任監督內揀選帶領引

見定以一年更換

一大通橋監督經營石壩運到漕白糧米抽驗  
斛面督催車戶分運各倉兼收隨糧本色松板

議單  
舊本

一大通橋監督差滿倉場督臣將其任內經管

事由造冊具題送部考覈

議單  
舊本

一大通橋原設軍糧車戶二十八名水脚一十  
三名於雍正十年題添車戶四名現共車戶三  
十二名原設白糧車戶一十三名水脚二名雍

正十年裁革其應運白糧歸併軍糧車戶水脚  
抗運

一京通各倉每倉派滿漢監督各一員舊例係  
戶部官員筆帖式更替康熙二十六年題准將  
各部院衙門官員筆帖式均行保舉差遣五十  
六年停差各倉筆帖式雍正元年題准將候補  
候選之郎中員外主事等官一併揀選補用四  
年欽奉

諭旨漢監督將候補候選之道府同知知州等官滿監

督將各部院筆帖式一體差遣乾隆元年議定  
各倉監督任滿於各衙門現任員外主事等官

揀選補放

內閣侍讀典籍中書光祿寺署正署丞典簿宗人府副理事官太僕寺主

簿太常寺寺丞讀祝官博士典簿贊禮郎大理寺寺丞評事鴻臚寺主簿鳴贊國子監監正博士典簿典籍助教中書科中書各部院司務等官並准保送倉差

一名倉監督舊例一年差滿更換雍正元年題

准監督內有操守清廉糧儲無虧者聽倉場題  
畱復三年任七年題准監督任滿令倉場出具

考語引

見其好者畱任俟三年期滿議敘其平常者仍照例更替乾隆元年以各倉監督更換之期向例一年二年至三年不等題准均以二年爲滿滿漢監督一年一員更替如二年內有俸滿應陞者照常陞轉仍俟差滿更換十七年以監督二年更換未免太促俱改爲三年更替

一京通各倉監督任滿總督倉場將其任內收放過糧米數目造冊送部具題考覈

議單舊本

一在京各倉每倉或都統或副都統各派一員

御史各派一員專任稽查之責雍正十二年欽奉

諭旨定爲三年一次更換乾隆十七年議准京通各倉每倉各派御史一員專任稽查每屆年終都察院開列滿漢科道職名帶領引

見更替

一祿米倉經制書辦二名攢典二名在坐糧廳給領飯食銀兩皂隸五名花戶二十九名小甲二名共三十六名每名每月在戶部支領月糧

米折銀三錢九分看倉正藍旗章京四員披甲七十名

一南新倉經制書辦二名攢典二名在坐糧廳給領飯食銀兩皂隸四名花戶二十九名小甲二名共三十五名每名每月在戶部支領月糧米折銀三錢九分看倉鑲白旗章京四員披甲四十名

一舊太倉經制書辦二名攢典二名在坐糧廳給領飯食銀兩皂隸六名花戶二十四名鋪軍

二名小甲二名共三十四名每名每月在戶部  
支領月糧米折銀三錢九分看倉正白旗章京  
六員披甲四十名

一海運倉經制書辦二名攢典二名在坐糧廳  
給領飯食銀兩皂隸六名花戶二十四名舖軍  
二名小甲二名共三十四名每名每月在戶部  
支領月糧米折銀三錢九分看倉鑲黃旗章京  
二員披甲四十名

一北新倉經制書辦二名攢典二名在坐糧廳

給領飯食銀兩皂隸六名花戶二十六名舖軍  
二名共三十四名每名每月在戶部支領月糧  
米折銀三錢九分看倉正黃旗章京二員披甲  
四十名

一富新倉經制書辦二名攢典二名在坐糧廳  
給領飯食銀兩皂隸七名花戶二十名小甲二  
名共二十九名每名每月在戶部支領月糧米  
折銀三錢九分看倉鑲紅旗章京四員披甲四  
十名

一興平倉經制書辦二名攢典二名在坐糧廳  
給領飯食銀兩皂隸六名花戶二十六名小甲  
二名鋪軍二名共三十六名每名每月在戶部  
支領月糧米折銀三錢九分看倉正紅旗章京  
四員披甲四十名

一太平倉經制書辦二名攢典二名在坐糧廳  
給領飯食銀兩皂隸四名花戶二十八名小甲  
二名共三十四名每名每月在戶部支領月糧  
米折銀三錢九分原設看倉鑲藍旗章京六員

披甲八十二名又城上披甲十名雍正六年裁  
去章京二員披甲二十三名并城上披甲十名  
今祇章京四員披甲四十九名乾隆二年因添  
設水門二座奏准添設章京二員看守

一萬安倉經制書辦二名攢典二名在坐糧廳  
給領飯食銀兩皂隸六名花戶二十四名小甲  
二名備軍二名共三十四名每名每月在戶部  
支領月糧銀三錢九分向設正紅旗章京四員  
披甲三十九名乾隆四年因將儲濟倉廩座撥

歸管理奏准將儲濟倉舊有章京官兵內撥歸  
章京二員兵二十名花戶六名又添設章京二  
員兵二十名共章京八員兵七十九名花戶三  
十名

一本裕倉經制書辦二名攢典二名在坐糧廳  
給領飯食銀兩嗣因收放事務較各倉減少乾  
隆十七年議裁書攢各一名現在書攢二名在  
坐糧廳給領飯食銀兩其皂隸花戶小甲舖兵  
共三十四名於在京祿米南新舊太海運北新

富新興平太平八倉各役內輪流派往當差所  
需口糧銀七十四兩八錢八分卽由八倉撥發  
看倉八旗章京四員披甲六十名內鑲黃正黃  
正白正紅四旗每旗八名鑲白鑲紅正藍鑲藍  
四旗每旗七名

一裕豐倉經制書辦二名攢典二名在坐糧廳  
給領飯食銀兩皂隸六名花戶二十四名小甲  
二名舖兵二名每名每月在戶部支領月糧米  
折銀三錢九分看倉鑲紅旗章京二員披甲四

十名

一儲濟倉經制書辦二名攢典二名在坐糧廳  
給領飯食銀兩皂隸六名小甲二名鋪軍二名  
花戶三十名每名每月在戶部支年月糧米折  
銀三錢九分看倉鑲白旗章京四員披甲八十  
名乾隆四年因將厥座分撥萬安倉管理奏准  
將花戶撥歸萬安倉六名祇花戶二十四名  
一豐益倉額設書攢二名皂隸花戶小甲鋪兵  
共三十四名所需口糧銀七十四兩八錢八分

於在京祿米等十一倉並西中二倉各役口糧

銀內均勻派撥

監督向係內務府派員管理舊設書措四名郎寫二名皂隸四

名花戶十六名小甲二名看白二名舖兵二名俱於內務府閑散人役挑補常差每名每月於脚價銀內散給銀二兩乾隆三十七年奏明改歸倉場管理一切事宜悉照本裕倉之例辦理

一通州西倉經制書辦三名攢典三名在坐糧

廳給領飯食銀兩雇長六名花戶十八名甲斗

二十四名看倉章京二員披甲一百名內鑲黃

鑲藍二旗每旗各二十名鑲白正紅二旗每旗

各三十名

一中倉經制書辦二名攢典四名在坐糧廳給  
領飯食銀兩雇長三名花戶九名甲斗十二名  
看倉章京二員披甲七十名內正黃正白二旗  
每旗各三十名鑲黃鑲藍二旗每旗各五名  
一京通各倉滿漢監督向係任滿之時由戶部  
行知各衙門保送引

見補授未免有需時日恐致貽誤倉務乾隆元年題准  
預行各衙門吏禮兵工四部大理寺派滿漢官  
各一員戶刑二部派滿官各二員漢官各二員

宗人府國子監太常寺太僕寺鴻臚寺派滿官  
各一員戶部帶領引

見恭候

欽點戶部註冊遇有缺出傳集各員籤掣補授

一各倉監督差滿向例按米石盈餘多寡議敘  
乾隆元年題准將盈餘議敘之例停止如監督  
任內出入公平糧儲無虧倉廩不致滲漏米色  
不致霉變任滿時倉場保題議敘加級如祇循  
分供職倉場題明毋庸議敘仍回原衙門辦事

如有虧空隨時題參議處

一補放各倉及大通橋監督例應戶部頒給劄付到任以杜假冒因有並不赴部領劄徑行抵任之員乾隆元年各行倉場嗣後監督到任驗明劄付令其任事

一京通各倉額設滿漢監督各一員每逢收放之時不能兼事稽查乾隆元年奏准於收放之時倉場移咨戶部於記名倉差人員內撥赴倉場分派各倉監看並不時檄令收放事竣仍回

各衙門辦事

一通州城外白石土兩壩至郝家浦沿河一帶於四月南糧抵通之後每有無藉之徒及不法丁舵人等偷盜鬪毆誘賭宿娼等事乾隆元年奏准責令州同州判於每年三月內移駐河干分界稽查巡拏細事就近發落有關係者解州審理漕務告竣回署如有疎防故縱以及擾累等弊該州查實揭報營弁各按所管地方帶兵遊巡如有懈弛卽行叅究

一向例各倉監督三年差滿題請

欽點部院大臣會同倉場逐厰查驗嗣因監督差滿定以二年錯綜更替陸續奏請查驗未免紛繁乾隆元年奏准四年查驗一次二年奏准斛量盤查必須經年之久徒多折耗按會典積方之法五年丈量一次三十三年奏准嗣後各倉存貯米石一年所收之數儘數放完倉場將原貯放過并盈餘各數覈實具題則此一年放數之多寡卽以證彼一年收數之盈虧遞年輪轉一歲

一清毋庸五年一次盤查

一糧船凡遇淺淤處所非撥不行是以撥價銀米數日久經議定章程恐日久違例雖設有通判巡檢等官經理其事不足以資彈壓乾隆二十三年奏准專令楊村之巡漕御史稽查以通判等勤其事

一京通各倉每年收放漕糧另派大臣隨時稽查將各倉收放盈餘各數逐年奏

聞由戶部開列各部院滿漢大臣名單奏請

欽派二三員稽查如有出差等事祇有查倉大臣二員

戶部卽行奏請添派

乾隆二十六年

一京倉向有都統一員御史一員專司稽察都統或因旗務不能親身赴倉派旗員代理御史或間日一至不能時常赴倉稽察未能周密乾隆十七年奏准嗣後除八旗該班及五城理訟日期外輪流到倉倘都統有

內廷侍直則御史亦應獨任如有疎畧亦卽查叅  
一通州原設西中南三倉每年收貯漕白糧米

空厥尙多徒致傾圮乾隆十八年奏准將南倉  
裁汰漕白糧米歸併西中二倉收貯該倉監督  
各部另補書辦攢典無論京通各倉缺出卽令  
掣補花戶甲斗人等分撥西中二倉遇缺卽補  
看倉章京及披甲人等咨回各旗

一通州西中南三倉原派八旗兵丁看守嗣因  
南倉議裁其看倉兵丁原設鑲紅正藍二旗各  
三十名鑲黃鑲藍二旗各五名若按旗撤回未  
免不均乾隆二十年議准於八旗內均勻裁撤

一向例派出旗下大臣御史官員稽查倉務旗  
下大臣於各旗派出旗員每日在倉門稽查車  
輛米數轉爲呈報嗣因旗下大臣有出差陞轉  
另派大臣有需時日乾隆二十年奏准嗣後查  
倉大臣如有出差陞轉原派官員仍畱倉門令  
其稽查俟另派大臣到任後將所查事務再行  
交代

一漕糧到通轉運所需口袋船隻車輛等項令

巡漕科道會同倉場先漕逐項查驗

議單  
舊本

一大通橋管理一應支銷官銀人役因係公銀公用多有浮費奏交大通橋監督自行經理乾隆

二十五年

一開河轉運漕糧設立公局在內外河料理運務一應銀錢俱給頭役經營數年以來公局浮費益多嗣後交壩官經營出納再每年巡漕御史二員需用食物俱係經紀供應而承辦頭役任意開銷酌議於扣剩腳價內提出銀六百兩每月各五十兩由坐糧廳按月分送又倉場分

坐糧廳衙門書役人等有單白糧經紀幫貼飯食等項乾隆二十六年嚴明酌留幫貼細款奏准遵行

一各倉滿漢監督同時任滿一時俱易生手恐未諳收放於各倉監督內將歷任一年以上者

揀選一員調補

乾隆二十七年